

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

**Naalakkersuisunut apeqqut:**

- 1. Napparsimasunut katsorsartinneq pissutigalugu danmarkimiikkallartariaqartunut aningaasatigut ikiorsiinissamut periarfissat suuppat ?**
- 2. Qaqugukkut napparsimasoq danmarkimi katsorsartittariaqalersimasoq ilaqtaminik qanigisaminik najorteqarsinnaava ?**
- 3. Napparsimasumut aappaasoq uisorluunniit piffissap ilaani sivisuumik danmarkimiittariaqarsinnaasarpoq, suliffik akiligassallu qimaannarlugit, taamaattoqartillugu ineqarnermut kiassarnermut, kallerup inneranut akiligassanullu pisiaqavissunut pisortat ikiorsiisinnaanerannut periarfissat suuppat ?**

(Inatsisartunut ilaasorta, Anthon Frederiksen, Partii Naleraq)

**Tungavilersuut:**

Inatsisartut ataatsimiinnitta nalaani pingasunngornikkut naalakkersuisunut apeqquteqarfissat ilaanni Isumaginninnermut Naalakkersuisumut napparsimasut danmarkimi katsorsartittariaqalersimasunut ikiorsiisarneq pillugu apeqquteqarninni, naalakkersuisoq akissuteqanngilaq, kisiannili neriorsuilluni apeqqutigisakka allakkatigut akissuteqarfiginiarlugit.

Maannamut suli akissutinik tigusaqannginnama apeqqutit qulaani eqqartukkakka ilanngulugit akineqarnissaat kissaatigaara. Naatsorsuutigilluinnarakku akissutit tigujumaakkakka naalakkersuinikkut sulininni atorluarsinnaassallugit.

Apeqqutit ullut suliffiit qulit qaangiutsinnagit akineqarnissaat kissaatigaara.